



CONVENIO DE COLABORACIÓN ENTRE A AXENCIA GALEGA DAS INDUSTRIAS CULTURAIS E A ASOCIACIÓN ARTISTAS INTÉRPRETES O EXECUTANTES, EGDPI (AIE) PARA A PARTICIPACIÓN DE GRUPOS DE MÚSICA GALEGOS NA EDICIÓN 2026 DO PROGRAMA AIENRUTA ARTISTAS

MEMORIA XUSTIFICATIVA

O director da Axencia Galega de Industrias Culturais (Agadic) **DECLARA:**

Que a Axencia Galega de Industrias Culturais (Agadic) pretende formalizar coa Asociación Artistas Intérpretes o Executantes EGDPI (AIE) o instrumento convencional arriba referido por un período de vixencia que abrangue dende a sinatura do convenio ata o 30 de decembro de 2026.

Que o instrumento convencional ten por obxecto:

O financiamento por parte da Agadic da participación de grupos de música galegos na edición 2026 do programa AIEnRuta Artistas, que organiza Artistas Intérpretes o Executantes, EGDPI (AIE) e que se concreta nas seguintes actuacións:

- Selección, baseada en criterios de calidade artística e proxección, de seis bandas galegas, tres en cada semestre, e integración na programación estatal.
- Programación de concertos das seis bandas seleccionadas en salas de música fóra da comunidade autónoma de Galicia, coa organización de catro concertos de cada banda e a xestión da produción e loxística que impliquen.
- Difusión e proxección das bandas no ámbito estatal.

Que o instrumento convencional fundaméntase no seguinte:

AIEnRuta Artistas é unha iniciativa consolidada de AIE destinada á promoción, difusión e profesionalización de artistas emerxentes mediante a organización de xiras de concertos en salas de música en directo distribuídas por todo o territorio nacional e que responde á necesidade de facilitarlles aos músicos o acceso a circuítos profesionais de exhibición musical, xerando itinerarios de xira que contribúen ao desenvolvemento da súa carreira artística, a ampliación de públicos e a dinamización cultural. Os resultados acadados en edicións anteriores evidencian o impacto positivo en termos de actividade musical, visibilidade e xeración de públicos.

O programa AIEnRuta Artistas constitúe unha ferramenta de gran relevancia para o desenvolvemento profesional de artistas emerxentes, ao facilitar o seu acceso a circuítos estables de música en directo en condicións profesionais. E neste sentido, o apoio da Agadic a este proxecto contribúe de maneira directa á consecución dos fins que





a normativa reguladora da Axencia lle atribúe en materia de promoción, fortalecemento e vertebración dos sectores culturais galegos, favorecendo a creación de oportunidades para o talento musical de Galicia.

A través deste apoio, dáse soporte á participación galega no programa, facilitándose a incorporación de artistas emerxentes de Galicia a un circuío de ámbito estatal, incrementando a súa visibilidade, favorecendo a súa profesionalización e impulsando a súa proxección máis alá do territorio autonómico. Este obxectivo está plenamente aliñado coa finalidade da Agadic de promover a creación cultural galega, apoiar a consolidación das industrias culturais e fomentar a difusión da cultura producida en Galicia, contribuíndo ao mesmo tempo á mobilidade e circulación dos seus profesionais.

A especificidade das actuacións, a exclusividade da entidade, titular da marca AIE nRuta, como organizadora do programa, así como a inclusión desta actividade de fomento dentro da planificación estratéxica da Agadic de actuacións de fomento de actividades mediante convenios de colaboración con fins culturais con entidades de carácter cultural e corporacións locais no ano 2026, evidencian a imposibilidade de promocionar a concorrência pública para o desenvolvemento desta actividade e xustifican a canle da subvención mediante convenio de colaboración.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alieo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela.

Jacobo Sutil Nesta

Director da Axencia Galega das Industrias Culturais

